

Evening Dogri (NSD) Bulletin 26-07-2025

आकाशवाणी

खबरां ----

1. प्रधानमंत्री नरेंद्र मोदी होरें मालदीव्स दे 60में स्वतंत्रता दिवस समारोह च मानजोग परौहने दे तौरा पर शिकरत कीती।
2. प्रधानमंत्री मोदी होर अज्ज शामी तमिलनाडू दे Tuticorin च 4 ज्हार 800 करोड़ रपे दी विकास परियोजनाएं दा शुभारम्भ करंगन।
3. 1999 कारगिल युद्ध दे शहीद जवानें दे बलिदान गी चेत्ता करदे होई पूरा राश्ट्र कारगिल विजय दिवस मना'रदा ऐ।
4. बेहतरीन कारकरदगी आस्तै 17 सांसदें गी सांसद रत्न अवार्ड 2025 कन्नै नमी दिल्ली च सम्मानित कीता गेआ।
5. बिहार सरकार नै राज्य च पत्रकारें दी माहवार पेंशन 6 ज्हार थमां बधाइयै 15 ज्हार कीता।
6. चैस च फिडे महिलाएं दे विश्व कप 2025 मुकाबले दे फाइनल च भारती खडारन कोनेरू हम्पी ते दिव्या देशमुख आमने-सामने।



PM Modi-Maldives

प्रधानमंत्री नरेंद्र मोदी होरें मालदीव्स दे 60में स्वतंत्रता दिवस समारोह च मानजोग परौहने दे तौर पर शिकरत कीती। एहू समारोह राजधानी माहले च होआ। समारोह दा शुभारम्भ माले दे रिपब्लिक

स्वेयर च होआ। प्रधानमंत्री नरेंद्र मोदी ते राष्ट्रपति डॉ. मोहम्मद मुईजू होरेंगी गार्ड ऑफ ऑनर दित्ता गेआ। प्रधानमंत्री मोदी होर राष्ट्रपति मुईजू हुंदे साद्दे पर मालदीव्स दे राज्य दौरे पर न।

<><><><><><>

PM-Meetings

प्रधानमंत्री नरेंद्र मोदी होरें मालदीव्स दे राष्ट्रपति हुसैन मोहम्मद लतीफ हुंदे कन्नै अज्ज मलाटी कीती। दवें नेताएं भारत मालदीव्स दे दोस्ताना रिश्तें बारै चर्चा कीती जेदे च तकनीक, जलवायु बदलाव, उर्जा ते कई दुए खेत्तरें बारै गल्लबात कीती। प्रधानमंत्री मोदी होरें दवें राष्ट्रें बश्कार नेडत्रमें रिश्तें पर लौ पाई जेदे कन्नै दवें देशें दे लोकें गी खासा फायदा होआ ऐ ते दवें देश औने आहले बरें च इस सांझेदारी गी मता गूडा करना चाहंदे न। इक बक्ख बैठक च प्रधानमंत्री मोदी होरें पीपल्स मजलिस दे स्पीकर अब्दुल रहीमर अब्दुल्ला हुंदे कन्नै गल्लबात कीती। उनें भारत मालदीव्स दोस्ती बारै चर्चा कीती। भारत-मालदीव्स संसदीय दोस्ती समूह इंडिया मालदीव्स पार्लियामेंट्री फ्रेंडशिप ग्रुप दे गठन गी दपक्खी रिश्ते आस्तै इक सकारात्मक कदम दे तौरा पर स्वागत कीता गेआ। प्रधानमंत्री मोदी होरें भरोसा दोआया जे भारत क्षमता निर्माण ते विकास सरबंधी सहयोग बरकरार रक्खियै मालदीव्स दी सहायता करना जारी रक्खेगा।

<><><><><><>

PM-Tamil Nadu Visit

प्रधानमंत्री नरेंद्र मोदी होर अपने तमिल नाडू दे 2 दिनें दे दौरे दे तैहत अज्ज शामी Tuticorin पुज्जंगन। प्रधानमंत्री होर Tuticorin ब्हाई अड्डे दी नमी टर्मिनल ईमारत दा उद्घाटन करंगन। मोदी होर 4 ज्हार 800 करोड़ रुपे दी कई परियोजनाएं दा नीहू पत्थर रक्खंगन ते केइएं दा शुभारम्भ करंगन। प्रधानमंत्री मोदी होर चोला सम्राट रजेंद्र चोला-1 दे आदि थिरुवथिराई त्यौहार च शिरकत करंगन। एहू आयोजन आरियालूर जिले दे गंगाएकोंडा चोलापुरम मंदर च होग। ठुठुकुडी दा उद्योग सरबंधी समुदाय नै नमें ब्हाई अड्डे टर्मिनल ईमारत दे उद्घाटन दा स्वागत कीता ऐ। इंडियन चेंबर ऑफ

कामर्स दे सचिव, पोन वैकटेश होरें आखेआ जे एहदे कन्नै Tuticorin थमा निर्यात गतिविधिएं गी तेजी थ्होग। अज्ज प्रधानमंत्री नरेंद्र मोदी हुदं स्वागत आस्तै Tuticorin ब्हाई अड्डा पूरी चाल्ली तैयार ऐ। मेद ऐ जे सैलानिएं आस्तै मुठु नगर ब्हाई अड्डे दा विस्तार होग। सरकार ब्हाई संपर्क गी पूरे देश च बदाने आस्तै उडान स्कीम पर ध्यान देआ'रदी ऐ।

<><><><><><>

CAOS-Op Sindoor

सेना अमले दे प्रमुख जनरल उपेंद्र द्विवेदी होरें आखेआ ऐ जे आपरेशन सिंदूर दरान भारती जवानें करगिल युद्ध जनेय गै शौर्य ते पराक्रम दस्सेआ जेदे च पाकिस्तान च आतंकवाद सरबंधी ढांचे गी नष्ट कीता गेआ ते इक निर्णायक जित्त हासल कीती गेई। 26में करगिल विजय दिवस पर द्रास च वीर जवानें गी श्रद्धांजलि भेंट करदे होई जनरल द्विवेदी होरें आपरेशन सिंदूर दी कामयाबी पर लौ पाई। केंद्री मंत्री मनसुख मांडविया ते संजय सेठ होरें बी करगिल वार मेमोरियल पर शहीदें गी श्रद्धासुमन भेंट कीते।

<><><><><><>

COAS-Kargil Diwas

समूलचा मुख अज्ज कारगिल विजय दिवस दी 26मीं ब'रेगंड मना'रदा ऐ। सेना प्रमुख जनरल उपेन्द्र द्विवेदी होरें अज्ज भारत लेई जंग लडने आहले साबका फौजिएं दे सम्मान च केई महत्वपूर्ण पैहलकदमिएं गी शुरु करोआया। इंदे च 1999 दी कारगिल जंग थमां दलेरी भरोची कहानियां सांझी करने लेई इक क्यू.आर. कोड आधारित ऑडियो गेट-वे ते बटालिक खेत्तर च इंडस व्यूप्वार्डिट आहली पैहलकदमी ऐ जेहदे राहें उत्थे जाने आहले लोक, ओहू अनुभव हासल करी सकडन्न जेहडा कब्जा रेखा पर फौजी जवानें अगगे पेश सख्त हालात कन्नै उ'नेंगी वाकफ करोआग। इ'नें परियोजनाएं दा मकसद आपरेशन सिजय दरान देसै लेई बलिदान देने आहलें बारै लोकें अंदर समझ गी होर विकसित करना

ऐ। अज्ज कारगिल युद्ध स्मारक पर शहीदें गी श्रद्धांजलि अर्पित करदे होई जनरल उपेन्द्र द्विवेदी होरें इक नमीं ब्रिगेड कायम करने दा ऐलान कीता।

<><><><><><>

Kargil Vijay Diwas

अज्ज पूरे देश च 1999 करगिल युद्ध दरान अपनी जान न्यौछावर करने आहले वीर जवानें दी शहादत गी चेत्ता करदे होई करगिल विजय दिवस मनाया जा'रदा ऐ। एहू ध्याडा पाकिस्तान पर भारत दी जित्त दी 26मीं ब'रेगंड दे तौर पर मनाया जंदा ऐ। इस जित्त कन्नै आपरेशन विजय सम्पन्न होई गेआ। राष्ट्रपति द्रौपदी मुर्मू होरें करगिल विजय दिवस पर शहीद जवानें गी नमन कीता। अपने स्नेह च राष्ट्रपति होरें आखेआ जे एहू ध्याडा देश दे जवानें दे अदम्य साहस, दृढ निश्च दा चेत्ता नोआंदा ऐ। उनें जोडेआ जे उंदा समर्पण ते देश आस्तै सर्वोच्च बलिदान सारे देशवासिएं गी म्हेशा प्रेरित करदा रौगा। रक्षा मंत्री राजनाथ सिंह होरें नमी दिल्ली च नेशनल वार मेमोरियल पर वीर जवानें गी श्रद्धांजलि दित्ती। रक्षा सचिव राजेश कुमार सिंह, रक्षा अमले दे प्रमुख जनरल अनिल चौहान, वायु सेना अमले दे प्रमुख एयर चीफ मार्शल ए.पी सिंह ते जल सेना अमले दे प्रमुख एडमिरल दिनेश के त्रिपाठी होरें बी बहादुर जवानें गी श्रद्धांजलि भेंट कीती।

<><><><><><>

Sansad-Ratna

17 सांसदें गी अज्ज नमीं दिल्ली च संसद रत्न अवार्ड 2025 कन्नै उन्दी बेहतरीन सेवाएं आस्तै नवाजेया गेआ। इन्दे च बीजेपी दे रवि किशन, दिनेश शर्मा, कांग्रेस दियां वर्षा गायकवाड, एनसीपी-एसपी दियां सुप्रिया सुले, शिवसेना यूबीटी दे अरवि सावंत शामिल ना। एहू सम्मान इक गैर सरकारी संस्था आसेआ दित्ते गो। मीडिया कन्नै गल्लबात करदे होई संसदीय मामलें दे केंद्री मंत्री किरण रिजिजू होरें आखेआ जे एहू अवार्ड सांसदें दी बेहतरीन कारकरदगी दी पंछान ऐ।



Combodia-Thailand Conflict

बन्ने पारा थाईलैंड ते कंबोडिया बश्कार चलारदी लड़ाई त्रीए रोज बी जारी ऐ ते मरने आहलें दी गिनतरी 33 पुज्जी गई ऐ। कंबोडिया नै 13 मोतें दी पुष्टि कीती जिंदे च 8 नागरिक हे। थाईलैंड नै 20 लोकें दी मौत दी पुष्टि कीती ऐ जिंदे च 14 नागरिक हे। 1 लख 30 ज्हार लोक थाईलैंड दे बन्ने कनै लगदे थाहरें परा चली गे न ते 35 ज्हार लोक कंबोडिया थमां दुई थाहरें चली गे न।



US-Russia

अमरीका दे राष्ट्रपति डोनाल्ड ट्रम्प होरें न्यूक्लियर हथियारें पर पाबंदी लाने सरबन्धी अपनी मर्जी जताई ऐ। रूस कन्नै संधि न्यू स्टार्ट तैहत ऐसा होग। स्काटलैंड दी जात्तरा आसतै निलनक कोला पैहले संवादाताएं कन्नै गल्लबात करदे होई इस बक्खी कम्म करना शुरू करी दित्ता ऐ। 2010 च हस्ताक्षर होई दी इस संधि Arms reduction treaty या new start तैहत अमरीका ते रूस दे न्यूक्लियर वैपन्स ते आपूर्ति पर रोक लाई गई ऐ। एहू समझौता 5 फरवरी गी खत्म होई जाना ऐ। अगर दवें धड़े इसी बधाने पर राजी नेई हुंदे। न्यू स्टार्ट दे खत्म होने कन्नै हथियारें दे नियंत्रण सरबन्धी विशेषों दा मनना ऐ जे दवें देश न्यूक्लियर हथियारें गी जमा करना शुरू करी देंगन।



DIPR-Competitions

स्वतंत्रता दिवस-2025 समारोहें दे हिस्से दे रूपै च जम्मू-कश्मीर सूचना ते जनसंपर्क मैहकमे नै देशभक्ति दी भावना गी बढ़ावा देने दे मकसद कन्नै त्रै ऑनलाइन प्रतियोगितां शुरू कीतियां न, विशेष तौरा पर विद्यार्थियों ते नौजवानें आस्तै। इनें प्रतियोगिताएं च राष्ट्र गान गायन, “विकसित भारत @2047” विशे आहली इक निबंध लेखन मुकाबला ते ‘ड्रा योर फेवरिट फ्रीडम फाइटर’ शीर्षक कन्नै

इक पेंटिंग मकाबला शामिल ऐ। प्रतिभागी अपनी प्रविष्टियां, दरखास्तां आनलाइन जमा कराई सकदे न। प्रतियोगिताएं दे विजेताएं गी नगद ईनाम ते प्रमाण पत्र थहोडन। सूचना ते जनसंपर्क मैहकमे नै नगारिकें गी इनें प्रतियोगिताएं कन्नै उत्साह कन्नै जुडने ते अपनी अवाज, दृष्टिकोण ते रचनात्मकता दा प्रदर्शन करियै इस स्वतंत्रता दिवस गी इक यादगार मौका बनान। इस बारे पूरी जानकारी मैहकमे दी आधिकारिक वेबसाइट पर उपलब्ध ऐ।

<><><><><><>

Bihar-Pension

बिहार दे मुखमंत्री नितिश कुमार होरें राज्य च पत्रकारें आस्तै 15 जहार रपे माहिना पेंशन दा ऐलान कीता ऐ। अज्ज बडुलै सोशल मीडिया पर एह घोषणा करदे होई मुखमंत्री होरें आखेआ जे Bihar Journalist Samman Pension Scheme हेठ सारे योग्य पत्रकारें गी पहले मिलने आहले 6 जहार रपे दे मुकाबले 15 जहार रपे हर म्हीने पेंशन दे तौर पर दित्ते जांगन। कुमार होरें दस्सेआ जे इस दिशा च जरूरी कदम पुट्टने आस्ते सूचना ते जन संपर्क विभाग गी आदेश दित्ते गए न।

<><><><><><>

FIDE-Chess

शतरंज च कोनेरू हम्पी जार्जिया दे बटुमी च फिडे महिला विश्व कप 2025 दे फाइनल च साथी भारती मकाबला करा'रदियां न। एह रोमांचक मैच जेडा दवें भारतीय खडारनें बश्कार खेड्डेआ जा'रदा ऐ, अगरे बरे होने आहले फिडे महिला केंडिडेट्स टूर्नामेंट च थाहर निश्चित करदा ऐ जित्थे जेत्तू गी विश्व चैंपियनशिप खताब आसतै जूवेनजुन गी चनौती देने दा मौका हासल होगं एह भारत च महिला शतरंज आस्ते इक महत्वपूर्ण पल ऐ, की जे इस चाल्ली दे अंतरराष्ट्री महत्व आहले टूर्नामेंट च विजेता ते उपविजेता दवें थाहरें पर इक भारती दा गै हक होग।



JKLA-Conference

न्याऽ तगर पुज्ज बधाने दी इक महत्वपूर्ण कोशश च जम्मू-कश्मीर कनूनी सेवा प्राधिकरण नै श्रीनगर दे एस.के.आई.सी.सी च उत्तर खेत्तरी सम्मेलन दा आयोजन कीता। इस कार्जक्रम च केंद्री कनून मंत्री अर्जुन राम मेघवाल, उपराज्यपाल मनोज सिन्हा ते मुख्मन्त्री उमर अब्दुल्ला होरें हिस्सा लैता। इस मौके पर बोलदे होई एल.जी मनोज सिन्हा होरें केंद्री कनूनें दे जम्मू-कश्मीर च पूरी चाल्ली लागू होने दे परेंत दलितें, जनजातीय महिलाएं आस्तै बरोबरी दे प्रावधान गी उजागर करदे होई दफा 370 गी हटाए जाने दे बदलाव आहले प्रभावें पर जोर दित्ता। तोआई, इस मौके पर बोलदे होई मुख्मन्त्री उमर अब्दुल्ला होरें कनूनी मदाद च सेवानिवृत्त रक्षा कर्मियें गी शामिल करने दी तरीफ कीती। उनें इस गल्लै पर जोर दित्ता जे इंसाफ असानी कन्नै उपलब्ध होना लोडचदा ते एहू हर कुसै आस्तै सुलभ होना चाहिदा।



Spl Dis-Pahalgam Attack

संसदीय मामलें दे मंत्री किरें रिजिजू होरें आखेआ ऐ जे पहलगाम आतंकी हमले ते आपरेशन सिंदूर तैहत भारत दी प्रतिक्रिया बारै संगारें लोकसभा च इक खास चर्चा कीती जाग। कल नमीं दिल्ली च मीडिया कन्नै गल्लबात करदे होई श्री रिजिजू होरें आखेआ जे एहू फैसला लोकसभा दे स्पीकर ओम बिरला हुंदी अध्यक्षता च बिजनेस एडवाजइरी कमेटी दी बैठक दरान लैता गेआ ऐ। उनें दस्सेआ जे लोकसभा च इस बैहस लेई 16एं घैंटें दा समां दित्ता गेआ ऐ। उनें इब्बी दस्सेआ जे राज्यसभा पर एहदे पर चर्चा औंदे मंगलवारें कीती जाहग ते एहदे लेई बी 16 घैंटें दा समें तय कीता गेआ ऐ। श्री रिजिजू होरें आखेआ जे बरोधी पार्टियां, आपरेशन सिंदूर पर चर्चा दी मंग करै करदि'आं हिआं ते सरकार पैहले दिनै थमां गै एहदे लेई राजी ऐ।



IMD

मौसम विभाग नै कल तोड़ी छत्तीसगढ, मध्य महारार्ष्ट, विदर्भ, कोंकण ते गोवा समेत मध्य प्रदेश च मौलेधार बरखा दा रेड अलर्ट जारी कीता ऐ। अरूणाचल प्रदेश, असम, मेघालय, कर्नाटक दे तटीय इलाकें, पूर्वी राजस्थालन, झारखंड, केरल, माहे, मराठवाडा, नागालैंड, मणिपुर, मिजोरम, त्रिपुरा, ओडिशा, दक्षिणी कर्नाटक दी अंदरूनी हिस्सें, तमिलनाडु, पुद्दुचेरी ते कराईकल च अज्ज बक्ख-बक्ख थाहें पर बरखा होई। राजस्थाखन दे किश हिस्सें, उत्तर प्रदेश, उत्तराखंड, जम्मू ते कश्मीनर, हरियाणा ते हिमाचल प्रदेश च मंगलवार तोड़ी गरज कन्नै मध्यम बरखा दी मेद ऐ। तोआई, राष्ट्री य राजधानी दिल्ली ते आसे-पासे दे क्षेत्रें च अज्ज बडुलै हल्की बरखा होई।



Cricket

क्रिकेट च एंडरसन तेंदुलकर ट्रॉफी दे चौथे टैस्ट मैच च भारत खलाफ खेडदे होई इंग्लैंड नै 669 रन्ज बनाए। इंग्लैंड दे जो रूट नै 248 गेंदें च डेढ सौ रन्ज बनाए। उनें आस्ट्रेलिया दे लीजेंड रिक्की पोंटिंग दे 13 ज्हार 378 रन्जें गी पार करी लैता ऐ। हून ओहू सिर्फ भारत दे सचिन तेंदुलकर हुंदे कोला पिच्छे न जिनें टेस्ट मैच च 15 ज्हार 921 रन्ज बनाए दे न।

